

吾所希望

經

百五十六
養九

48343



書目
卷一
目錄
卷二
目錄
卷三
目錄
卷四
目錄
卷五
目錄
卷六
目錄
卷七
目錄
卷八
目錄
卷九
目錄
卷十
目錄
卷十一
目錄
卷十二
目錄
卷十三
目錄
卷十四
目錄
卷十五
目錄
卷十六
目錄
卷十七
目錄
卷十八
目錄
卷十九
目錄
卷二十
目錄
卷二十一
目錄
卷二十二
目錄
卷二十三
目錄
卷二十四
目錄
卷二十五
目錄
卷二十六
目錄
卷二十七
目錄
卷二十八
目錄
卷二十九
目錄
卷三十
目錄
卷三十一
目錄
卷三十二
目錄
卷三十三
目錄
卷三十四
目錄
卷三十五
目錄
卷三十六
目錄
卷三十七
目錄
卷三十八
目錄
卷三十九
目錄
卷四十
目錄
卷四十一
目錄
卷四十二
目錄
卷四十三
目錄
卷四十四
目錄
卷四十五
目錄
卷四十六
目錄
卷四十七
目錄
卷四十八
目錄
卷四十九
目錄
卷五十
目錄

佛說無所希望經

九一名象步

養徐昇

西晉三藏法師竺法護譯

聞如是一時佛遊王舍城靈鷲山與大比丘
 衆俱比丘五百菩薩六萬一切大聖神通已
 達逮得揔持所成辯才而無罣礙班宣經道
 常無二言神足變化不可思議衆行備悉普
 無不入其名曰無損進意菩薩度音響雷震
 威菩薩夜月華菩薩大雨電言辭菩薩觀無
 底度境界菩薩超山頂菩薩欣樂令悅菩薩
 多離垢莫能當光菩薩決衆生性誼度菩薩
 得堅強如金剛菩薩於諸音響最妙菩薩越
 梵威聲菩薩稱自在可畏莫能犯菩薩積諸



德本如壘寶菩薩文殊師利童真菩薩如是
上首六萬開士於時賢者舍利弗在於獨處
一心禪思從宴坐起往詣佛所彼時世尊坐
於樹下逮寂隨響三昧正定時舍利弗任遠
世尊遙見大聖威儀禮節寂然和雅尋即求
草敷一面坐而結跏趺直正其身而不傾倚
適坐竟心自念言至未曾有如來至真威神
光儀不可稱載安隱道本猶是之故群生得
安所可逮致無上正慧咨嗟功勳皆了諸法
靡不通達於時大聖靜然安和從三昧起聲
欬發音時舍利弗聞佛世尊聲欬發音善心
生焉得其本願前進佛所一心而任稽首歸

命志懷踊躍尋歎此偈而讚頌曰

若有衆生不懷妄想未曾著念於諸經典
遊步世間平等獨歡則能常忍於斯經法
衆生無能見其瑕短斯等信解如幻自然
選擇諸法了如虛空不見吾我亦乃大安
其不思想一切衆生不念衆生若無衆生

未曾逮得一切思想不見吾我乃為大安
從始已來不想合會不為有想之所迷惑
不令興立亦無所住不見壽命亦乃安隱
若有明智不倚衆生則於法界而無鬪諍
棄捐一切衆人之想無若干念乃為安隱
其帝建立於禁戒者能仁一切不懷慳嫉

而住於法 無有計數 不見怯弱 尔乃為安
若以忍辱 安和超眾 彼未曾覩 諍訟之貧
不得精進 亦不懈怠 不想忍辱 尔乃為安
諦任堅固 一心禪思 心無所念 除其憤亂
曉了諸法 而在等定 其不想禪 尔乃為安
若不明達 亦無智慧 亦復不從 無智之教
不懷了了 亦無愚冥 無智慧想 尔乃為安
如處閑居 聚落亦然 於斯二事 而修平等
亦不唯德 是為聚落 不思閑居 是乃為安
假使行索 具足分衛 亦不念言 吾身求食
不自咨嗟 我行乞食 無分衛想 是乃為安
其從久遠 著弊壞衣 受取執持 於斯身形

不自歎言 我著鹿服 不憍慢人 尔乃為安
諸佛所教 安住勅示 三品之衣 不離其體
不自想念 我不違禮 不自欣豫 尔乃為安
其能班宣 微妙之法 不計吾我 不著衆生
不自譽言 我為講法 不猗音聲 尔乃為安
諸於德本 不懷妄想 不堅固想 不念居業
心中所懷 不思清濁 身不造行 是乃為安
若以興起 無興起想 有所住立 不想其處
夙夜精進 經行應節 其無言辭 是乃為安
設不思念 住與不住 常無妄想 奇特之念
如來外學 不以殊別 不懷勝想 是乃為安
其不計數 安隱之想 等如虛空 無所踰越

心不懷念。吾我衆生。不見殊特。尔乃爲安。
若了幻化。如夜所夢。逮得辯才。志不忽忘。
遊於世間。如水中月。無有進退。尔乃爲安。
若了善權。明見真諦。其言有身。無一堅固。
則能覺了。寂然之法。不行妄想。尔乃爲安。
於是世尊讚舍利弗曰。善哉善哉。所知深遠。
奉行慧義。極究竟矣。以法談言。應道妙歸。何
其快乎。今舍利弗諸所遊止者。閻崛山周旋。
學者比丘菩薩。普令會此。啓受道教。時舍利
弗尋即白佛。我不堪任。請令集會。所以者何。
諸大士等。威勢過龍。道智無盡。非吾所及。於
時世尊從身放光明。照於三千大千世界。尋

時佛界諸菩薩衆蒙此明曜如一念頃皆來
集會於靈鷲山行詣佛所稽首足下繞佛三
匝還住空中閑居比丘及諸菩薩來詣佛所
稽首於地還坐一面王舍大城無數人民百
千之衆行詣佛所稽首足下却坐一面於是
世尊見無數衆皆來集會舉其尊顏瞻文殊
面尋復即笑文殊師利即從座起偏出右肩
右膝著地叉手問佛向者所笑為何變應如
來至真未曾虛欣佛告文殊今靈鷲山有萬
菩薩俱講經典經名喻象於往昔亦曾所
論賢者阿難聞佛所說即從座起更整衣服
長跪叉手稽首自歸善哉世尊愍傷衆生令

致永安唯當班宣此喻象經斯法難值衆所
希聞願欲時說一切諸部皆來雲集聽此經
典必當逮得深入光明幽奧玄妙所以者何
如來至真尊無雙比三界無侶向者尊顏觀
文殊師利面應時即笑此非虛妄會當有意
佛言善哉善哉阿難汝乃觀察殊異德本所

可識者慧不可限阿難諦聽善思念之當爲
汝說向者笑意於是阿難與諸大衆受教而
聽佛告阿難若有衆生信樂斯法舉動進止
如象遊步信此法者彼等之類如大象遊亦
如龍步愛喜此法真諦義者爲師子步舉動
進止尊無疇匹佛語阿難此經典要悅諸菩

薩是經法教順菩薩衆應當諮受本宿功德
現於目前我逝之後此經典者歸諸菩薩今
手執持志靜意定所以歸空口誦心思是菩
薩藏不歸薄德闇塞菩薩不歸懷毒諂僞菩
薩之身也亦復不歸多願妄想菩薩之手也
尔時世尊即顯瑞應感動文殊師利應
時知之即自念言我欲啓問如來至真深遠
之法一切聲聞及與緣覺所不能逮諸菩薩
衆履迹瑞應爲何等類文殊師利前白佛言
唯然世尊今欲啓問如來至真平等正覺設
見聽者乃敢自陳佛告文殊師利恣所欲問
諸大衆會悉來集此并當蒙恩文殊師利即

白佛言何謂菩薩而得建立諸功勳法普現一切諸菩薩行開化無數不可計會衆生之類現諸佛國如水中月佛言善哉善哉文殊師利向所問者粗舉其要如來當爲具足分別今致建立功勳之德諦聽諦聽善思念之文殊師利與諸大衆受教而聽佛告文殊師利若有菩薩當行六法亦乃能具足道義之教立於一切功勳之德何謂爲六若有菩薩奉行於度無極一切所有施而不倦無所貪惜具足順行不自見身建立禁戒不犯衆惡不見吾我而曉了義成就忍辱柔和安雅心不懷恨覩已解脫不在結滯慙懃精進身無

所行心無所懷分別一切一心正行志於解脫門曉了便宜定意正受心常永安不慕一意解暢智慧以爲道業自覩其身不離五趣諸所生處皆令蒙度是爲六法菩薩所行備悉此法具足一切功勳之德佛告文殊師利復有六法具足此事建立一切功勳之法何等爲六一曰菩薩往詣地獄攝護拔濟燒炙之患使生天上其在畜生擾攘不安迷惑憤亂不識義理攝取其性顯以柔和微妙之法其在下賤庶民小姓則以開示轉輪聖王豪貴之位皆以普現諸生五趣而等開度所生之處與衆超異明曉隨時入諸佛土而於法

身無所動移無來無去而悉徧現諸佛國土
演萬億音暢出言教各令得聞其心常定不
偏不黨志性蕩蕩是爲六法菩薩建立一切
功勳文殊師利復問佛言何謂菩薩攝護地
獄使生天上佛告文殊師利菩薩大士以大
蓮華三昧正受將護地獄就徃拔濟則令于
彼一切得享天祚之安用以衆生被苦惱故
顯示忉利最選之宮見此厄難因則患厭而
得度脫諸所受惱爲地獄人而說經典令無
央數百千之衆度地獄痛是爲菩薩攝護地
獄令得拔濟燒炙之患已常順法無所違失
文殊師利復問佛言何謂菩薩攝護擾攘拔
濟畜生迷憤之厄生於人間安樂之處佛告
文殊師利菩薩大士有三昧定名曰寂滅以

濟畜生迷憤之厄生於人間安樂之處佛告
文殊師利菩薩大士有三昧定名曰寂滅以
是三昧正受之時因能攝護在畜生者令心
不亂志性和悅則得安隱生於人間守護三
事爲說經法令無央數衆生之類建立道法
是爲菩薩攝護畜生迷憤之厄今生人間文
殊師利復問佛言何謂菩薩生於下賤庶民
小姓而得更受轉輪聖王安隱之德佛告文
殊師利有三昧名入於清澄定意正受因其
三昧越諸種衰使皆清淨雖生小姓則得更
受轉輪聖王安隱之德是爲菩薩生於下賤
庶民小姓而受轉輪聖王安隱之德文殊師

利又問何謂世尊菩薩普顯生諸五趣與衆
超異佛告文殊師利有三昧名遣諸行照明
殊特以此定意正是菩薩住斯定時普顯五
趣導御衆生令得超異殊特之行皆發無上
正真道也文殊師利復問佛言何謂菩薩隨
時方便普入一切諸佛國土於本法身不動
移處不來不去普顯一切諸佛國土如月現
水佛告文殊師利有三昧名咸入諸音菩薩
以是定意正受立時能現己身在於十方東
西南北四維上下不動移處不來不去住彼
定意觀見十方諸佛世尊聞所說經是爲菩
薩不動移處隨時方便普顯一切諸佛國土

如月現水不來不去菩薩如是所周旋化亦
無往來文殊師利復白佛言何謂菩薩演萬
億音暢出言教各令得聞佛言文殊師利於
是菩薩逮得無量迴轉揔持達知無限衆生
志性隨其言語各暢辭聲分別無數諸響言
教而解其意達其所趣逮此揔持演一切音
普令得聞各各開解辭不錯謬是爲菩薩演
萬億音暢出言教各令得所於是文殊師利
前白佛言唯然世尊諸菩薩等善權方便難
及難及超絕無侶是經典要諸菩薩學常所
啓受當以何業至信脫門佛告文殊師利善
薩欲學斯經典者則當信解虛空之門又問

世尊何謂虛空。佛告文殊師利。其虛空者。則謂虛無。無有塵汗。無恚害心。亦不忽忘。一切諸法亦復如是。無汗無害。亦無忽忘。猶如虛空不成。布施不具。持戒忍辱。精進一心。智慧永無所生。如是文殊師利。一切諸法不成。施戒忍進。寂慧猶如虛空。以是之故。無解無除。一切諸法亦復如是。無解無除。猶如虛空。有所行者。無所造證。一切諸法亦復如是。則無所行。亦無造證。猶如虛空。無有闇冥。亦無明耀。諸法如是。無闇無明。猶如虛空。曠然無際。不可捉持。諸法如是。普無齊限。不可捉持。猶如虛空。無有正路。亦無邪徑。諸法如是。無路。

無徑亦無邪正。猶如虛空不建立身離諸漏。行不學聲聞不志緣覺不著諸佛無上大乘。諸法如是不學聲聞緣覺大乘猶如虛空無有思想無所分別諸法如是無有妄想亦無分別猶如虛空無舉無下無進無怠諸法如是無進無怠猶如虛空無應無不應無雙無不雙諸法如是無應不應無雙猶如虛空普照衆生無能塵汗令不淨者諸法如是。至於滅度永無塵汗以是之故不可滅除無能移去猶如虛空無所建立亦無所住不動不搖無處所故。佛告文殊師利菩薩大士。解諸衆生無有任處不當觀察見有處所逮致。

本際不動不搖無住無不住佛言如是文殊
師利彼法自然其欲得見如來至真則爲邪
見其邪見者求入正見入正見者是爲泥洹
非大德果無大功勳其至泥洹非大德果無
功勳已則世衆祐其世衆祐則於衆祐無所
希望其於衆祐無希望已則能具足虛靜之
慧巴具靜慧則能速成無所從生法忍時彼
衆會六十比丘皆懷甚慢各心念言今者如
來班宣真路迷惑之訓諸外邪學悉有是辭
何以爲行向者世尊復演此教亦如不蘭迦
葉摩訶離瞿耶樓阿夷帝基耶今離披休迦
旃先比盧持尼捷子等悉說此言何緣如來

亦演斯辭有何殊別云何則之所當遵修以
何爲業介時世尊知諸比丘六十人等懷甚
慢者心之所念尋時即告文殊師利佛爲如
來至真正覺班宣經典亦與外道異學俱同
等無差特又外異學不能分別如來說法義
之所歸六十比丘適聞此言益懷憂感意不
歡喜甚不欽樂講是經義即從座起無何而
去文殊師利告諸比丘諸賢者等欲何所湊
時諸比丘報文殊師利曰吾等不解是法所
說爲何所歸時舍利弗告諸賢者等斯義善
哉當以此事重白其意且待須臾我當啓問
如來至真何故說此時諸比丘聞舍利弗宣

如是教還復故坐時舍利弗則前問佛何故
如來班宣此言令諸比丘皆懷猶豫唯願世
尊加哀垂恩為決結網彼時世尊告舍利弗
於意云何其有比丘漏盡意解無餘縛結聞
此言教寧懷狐疑心怖懼乎荅曰不也世尊
以見諦者奉比丘行於一切音諸所言辭不
恐不怖亦不懷懼何況比丘漏盡意解無餘
縛結懷疑恐也佛告舍利弗或有愚人意塞
沉冥於未曾有法而懷妄想逮虛空行時舍
利弗復問佛言唯願大聖發遣斯教章句所
趣令諸會者蠲除沉吟心中坦然佛告舍利
弗其有夢中見如來者為寧審見真人形乎

如來謂此夢中所覩則非真實。不爲堅要。皆因思想計所思想。審無有想。無合會想。無所有已。則解如來無所分別想。無審諦想。不壞想想。無合會想。無所有。則解一切衆生萬物。皆爲虛妄。不見真實。便能曉了諸法迷惑顛倒。放逸以能曉了諸法迷惑。是故如來具足宣暢。迷惑邪見。以能分別一切諸法。皆爲邪見。則不復隨迷惑邪疑。六十二見。是爲舍利弗。若有欲觀如來至真。則墮邪見。是故舍利弗。如來說此。若有欲觀如來身者。則墮邪見。除見聞想爲觀如來。乃無邪見。時舍利弗復問佛言。何謂世尊其邪見者。令入正見。佛告

舍利弗一切愚戇凡夫之士諸所妄想念應不應所可發起立在處所則於此事而不信之無所建立精進懈怠無雙無隻起自見身我人壽命依倚計吾而貪著我曉了分別如此色像見聞念知喜樂所說悉無所有如是所有審無所有是爲所生此無所生是爲虛妄是真實言皆無所有其虛妄者則當知之爲無儔匹無像之謂以無儔匹則成邪見佛謂舍利弗其如是像見諸虛妄了不以惑是謂邪見則與外道邪見俱同以是之故舍利弗知其墮邪見緣致正見時舍利弗復問佛言何謂正見施與彼者其福不大功勳不遠

佛告舍利弗假使有人如是像施彼衆祐則成無爲親近無爲其無爲者無有少福無大功勳無小名稱亦不大稱所以者何其無爲者皆離一切功德之報無有處所時舍利弗復問佛言如來至真云何講說無爲而無處所本歎無爲最爲奇特功勳無限佛告舍利弗愚騃凡夫衆行茂盛計有吾我及人壽命如來故爲咨嗟無爲功勳無量顯其處所欲令衆人斷終始患故歎殊特又舍利弗當察賢聖非賢非聖亦非衆祐當作斯觀成就賢聖離欲衆祐猶如農夫隨其所種各得其類及依穀苗或生荆棘草穢之瑕於舍利弗所

志云何爲是農夫所報實乎本種荆棘草穢
瓊耶舍利弗荅曰不也世尊佛言如是舍利
弗設如農夫下種子田依倚於此誕生荆棘
地之荒穢苗變爲葱如是舍利弗施於賢聖
欲立功德不能歡悅此非好種不成爲果將
無所獲若不建立無爲之田則當知之生死
果報是故舍利弗欲致平等無爲則非大福
非大功勳時舍利弗復問佛言唯然世尊何
修無爲非有大福非大功勳布施田等其福
云何在世衆祐佛告舍利弗假使不懷小福
之想無大福想是爲種植衆祐之德以能種
植衆祐之德明靡不曜不受果報是則無上

世間諸類之大衆祐若舍利弗建此施者無
盡德田不受其華不獲其實以是之故如此施
者非有大福非大功勳是世衆祐不受果報
舍利弗復問佛言云何世尊爲世衆祐入於
衆祐無受果報乎佛言於舍利弗所志云何
所施衆祐依於無爲又計其法有報應乎舍
利弗白佛無也世尊其以無爲施於衆祐不
受報應則無果證其無爲者則無所求賢聖
之士亦無所望時佛讚曰善哉善哉舍利弗
誠如所云在世衆祐也假使有人施此衆祐
則無希望報時舍利弗復問佛言云何世尊
有所施者而無報應具足空慧佛告舍利弗

其能曉了一切諸法。悉自然者。彼義爲實。爲是虛耶。白世尊曰。其能曉了諸法自然。則能分別自然如幻。其能曉了諸法如幻。彼應虛無了虛無慧。所以者何。一切諸法自然如幻。是佛所說。其如幻者。彼謂虛無虛無之慧。是故世尊曉了諸法自然如幻。所以者何。計於法不有所成。亦無所獲。佛言善哉善哉。舍利弗。如汝所云。假使有法實有處所有者。念行真諦。則不復知衆生滅度。無爲之義。用一切法虛無無諦。而無真實。以是之故。開化度脫。如江沙等五趣衆生。令得滅度。衆生之類。而無損減。悉由衆生因虛無出也。如是舍利弗。

以故衆生所想虛無其所思想無所逮得是
故名曰具虛無慧因此所學用施衆祐無報
應果具虛無慧也時舍利弗復問佛言云何
具足虛無之慧以是之故能疾逮成無所從
生法忍佛言其於虛無而不造證是則名曰
具虛無慧又舍利弗何謂虛無知身虛無我
人壽命亦復虛無見於斷滅而計有常衆事
牽連亦復虛無佛法聖衆無爲之想療治心
意諸念思想心所遊逸皆悉虛無故舍利弗
其能諮受如是像比當了斯慧以至解脫此
舍利弗具虛無慧分別若斯則能疾逮無所
從生法忍說是語時四萬菩薩尋時皆逮無

所從生法忍時六千人發大道意三萬六千
天子值遇慧時當近道迹其六十比丘懷甚
慢者漏盡意解至無起餘異口同音而俱舉
聲白佛言我等世尊從今已往奉六師教而
因出家佛非我師不奉受法不歸聖衆從今
已往悉無所作亦無報應不與罪疊亦無惡
趣一切衆會聞說斯義無央數人悉懷驚愕
不知云何各心念言斯等比丘將求迷惑遠
佛違法捨於禁戒就外異學所以如是今演
此辭時舍利弗知諸衆會心之所念即時告
此諸比丘言仁等何故發於斯言吾等之身
從今已往無佛世尊因從異學出爲沙門時

諸比丘報舍利弗吾從今始敬事六師一切
所歸爲一相耳不倚六入是以不見若干種
師不想出家沙門也舍利弗復問何故諸賢
復發此言從今日始不以佛爲聖師諸比丘
報曰從今日始自在其地不在他鄉自歸於
己不歸他人已爲師主不用他師是以故往
不以佛爲聖師所以者何其佛正覺不離吾
我其吾我者不離於佛時舍利弗又復更問
諸比丘衆賢者等何故復言從今已往不啓
受法不歸聖衆比丘荅曰不得諸法所可歸
念亦無合集故不歸法衆舍利弗復問諸比
丘何故發言從今已往無所造業亦無所作

諸比丘曰從今日始曉了諸法一切無作其
無作者亦無非作以是之故從今已往無所
造業舍利弗應時復問仁等何故向者說言
從今已往無有果報諸比丘荅曰明愚不解
故趣生死纏綿終始吾等愚盡無緣無報以
是之故從今已往無有果報時舍利弗復問
之曰仁等何故復發此言從今已往無有殃
疊諸比丘曰吾等曉了一切諸法皆寂滅度
吾等解了一切諸法無法無報所以諸法無
有果報因是之故而發斯言從今已往無有
殃疊時舍利弗復問言曰諸人何故復發此
言從今已往無有惡趣諸比丘曰吾等從今

曉了一切諸法所趣求無惡趣其無開化無不開化無律不律以是之故從今已徃無有惡趣亦無不趣無律不律時諸比丘說如是比棄自大義時彼聞者三千六百比丘漏盡意解至無起餘於是世尊讚諸比丘曰善哉善哉其於諸法無所得者乃爲真得又問世尊何謂於法有所逮得佛告文殊所謂得者謂逮無所從生法忍文殊師利又問若有菩薩欲樂逮得無所從生法忍當去何學如何建立何謂奉行佛時欲解文殊師利學法無上遊一切智諸通慧義常當遵習無所從生法忍佛亦時頌曰

欲慕學佛慧

一切慧中尊

不受於諸法

亦復無所捨

法者無所得

亦不起成就

諸法無所有

愚者欲令有

欲為除此言

故為衆說法

反志樂所生

不信無所起

若能棄魔事

佛道尊無上

著已生愚冥

故不了此義

以與若干種

愚者見各異

其生無若干

一切為一相

佛者世間慧

為凡夫說之

用計吾我故

不能奉修道

念言當久如

滅盡於貪婬

遠離瞋愚冥

令吾無塵勞

無有而想有

斷滅於滅度

開化貪欲志

故說寂然空

演盡無所生

故歎於泥洹

方便讚滅盡

離佛法甚遠

想施奉禁戒

若希望樂道

是不修佛教

為慕學思想

愚者惑虛妄

不解空無法

諸法一等相

反懷若干念

若曉了此法

諸法自然相

如人觀五指

得道然不難

道不離人遠

亦復不在近

精勤求妄想

以故離人遠

愚者行各異

展轉相求短

是人奉禁戒

此者凶犯惡

善施行正法

有為悉虛無

不復受神識

如幻無所見

無有奉戒相

亦復無犯惡

諸法因緣合

彼亦無吾我

若於億千劫

布施無等雙

將養上禁戒

導師不受使

若以去思想

無施無所望

棄捐諸希求

然後見授剎

說布施得富
此乃無上道
吾當致法忍
心不念所生
假宣有法名
想皆如虛空
令除姪怒癡
則當歸盡賜
姪怒癡無量
彼則無根本
設不得業者
則無有人種

持戒生天上
愚者猗顛倒
無起無爲業
逮法忍不難
諸法所無作
無數億諸佛
諸法亦無盡
以無所有故
計之無崖底
所種無有牙
何緣當有華
衆生無衆生

其無所逮得
妄想有所求
無所從生法
不更億千劫
無本無所作
班宣上妙法
諸法假使實
是以不可得
設有無崖底
何因生華實
無所從生法
不生亦不滅

猶如姪女人

彼則無有子

以無有子者

則無有子憂

明智觀如是

諸法無所生

彼便無恐懼

周旋生死無

愚為虛偽惑

不解法如幻

受取虛空擔

患猷聖善教

若分別此法

無量無邊際

無數不可限

今乃不患猷

如佛說本際

宣暢無崖底

當來際亦然

中際為一相

無際想有際

無底際虛無

吾已了此義

則解無二分

本際虛空想

人際不可議

其際譬如影

斯慧不可了

因以行妄想

由是退轉心

當盡斯羅網

何緣當成佛

正覺無所想

彼則無所成

諸法無所生

愚者欲成

虛空不可捉

及宿諸處所

虛空無所住

無為無形像

如咨嗟虛空

解道亦當然

如分別了道

曉衆生亦如

衆生界悉等

平若虛空界

其能了此等

成佛道不難

不精進求度

不思念隨順

不求願諸法

成佛道無難

道離諸所願

一切斷要誓

心不抱求願

諸佛道最上

布施心自念

所施用得道

道者無所得

上道無所獲

志常懷禁戒

想精進有實

彼不承佛教

欲求望報故

諸法無勤修

而反現精進

其無所行者

此上度精進

其數如是想

此法無諸漏

斯法為有漏

彼心不隨順

所講無念法

讚之如虛空

不縛亦無脫

是慧為無上

其希望奉戒

亦想犯禁者

此二俱犯禁

無二為上禁

諸法無有異

無想無殊持

若解達無見

此乃奉佛教

其心無所生

譬之如虛空

等受如是決

乃為真寂志

其無所思想者

一切無所念

無心無所生

佛道不難得

其不受貪欲

不為欲所使

貪則無所生

佛道不難得

若不厭劫數

不畏億本際

不懼生死難

佛道不難得

於是世尊說此頌竟告文殊師利若有菩薩

凡夫篤信斯經典者聞之不疑不懷猶豫受

持諷誦爲他人說具足解義則當現致二十
事功德之勲何謂二十事一日諸天神明悉
宿左右二曰諸大蛟龍而來護之三曰諸大
鬼神咸共衛之四曰心常安隱未曾見亂五
曰所生之處爲衆尊長六曰卅世所在常識
宿命七曰生生所處常得五通八曰速得法

忍加當復見彌勒菩薩九曰專精修此經典
之要心捐睡寐疲極之意十曰若卧寐時常
於夢中得見諸佛亦復當得見諸菩薩十一
曰用以篤信此經典故當疾逮得柔順法忍
十二曰若有受此經典者現卅世得致滅除
諍訟十三曰若行虵虺毒害之虫念是經典

經無恐懼十四日思此經卷則能降伏怨讎
嫌隙十五日若能專惟斯經典者便即遠得
普光三昧十六日若能曉了斯經典者則當
知除一切罪十七日若講斯經便能獲致
不可稱計百千法門十八日卅世所在不失
道心十九日所生之處面見諸佛致無量轉
摠持之要彼若思惟斯經典時諸魔波旬未
曾得便所至受身常見諸佛二十日思此經
者所願必成二足四足含血毒虫悉共護
之若有非人欲來恐之王者群臣輩尸惡鬼
欲來恐之自然有護無能犯者佛語文殊師
利是爲二十功德之勲不懷猶豫法師比丘

聞此經典欣然篤信而不以疑不以疑故不
懷猶豫受持諷誦抱在心懷具足分別爲他
人說功德如是文殊師利復白佛言譬如藥
樹名曰普療皆悉除愈一切疾病斯經如是
療治一切婬怒癡疾衆想之患佛言文殊師
利如仁所言誠無有異斯經典者實爲消除
一切衆生五陰六衰三毒五蓋十二因緣九
十六徑六十二疑邪見之礙所以者何乃往
過去久遠卅時其劫無限不可計會其數過
此時卅有佛号樂師子步會無央數無限人
民大衆之中講說經典時樂師子步如來至
真等正覺有一菩薩名金剛幢於其佛所聞

是經典其心不疑不懷猶豫即時啓受於斯
經典功德之勲持諷誦讀篤信執翫不離其
心行入郡國縣邑村落州域大邦見之歡喜
皆言良醫當來治我衆患之疾一心相信豫
懷欣然時百千人共相聚會皆俱往詣於金
剛幢菩薩之所各欲求護時金剛幢則以篤
信悲哀之心用斯經典呪於衆人取此經中
神呪諸句將護衆人以德勞之而以宿衛文
殊師利彼爲何謂神呪句耶以辭呪曰

無搖

離僞

以律舍

善度

不有實

無有處

離迷惑

尊虛空

噉如幻

無所生

不可得

慈善慈

愍衆生

一切下

求徑路

義精進

斯無梵

此神呪

是時神呪章句將護衆生若得惱病至於困
疾衆患之苦痛不可言若干諸疾悉得除愈
諸天龍神及與非人所見燒者并除毒虫蟒
蛇虎狼蚤虫蚊蜂慈念此經無能觸者病瘡
疽癩若得水疾悉得除愈佛語文殊師利時
金剛幢菩薩大士作此經典爲衆生類皆療
衆疾莫不安隱於文殊師利意所志云何時
金剛幢菩薩大士爲異人乎莫作斯觀所以
者何則吾身是吾於彼世受斯經典篤信愛
樂持諷誦讀開化饒益一切衆生是故文殊

師利當觀此經如普藥樹文殊師利復問佛
言其有菩薩受此神呪章句義者持諷誦讀
當云何行佛告文殊師利若有菩薩受斯神
呪章句義者持諷誦讀其人發意奉行是經
不復食肉不以香油塗熏其身常懷慈心愍
於衆生饒益一切如普藥樹常當親近一切
智諸通普慧令無惱害得其便者若誦此經
常當清淨柔和其心無穢濁行諷是經時淨
掃除地令無塵埃見者悅豫文殊師利復白
佛言若有菩薩讀是經時棄捐貪愛不惜身
命忽如無形尔乃隨教佛告文殊師利誠如
所云一無有異彼時世尊告賢者阿難受此

經典持諷誦讀以用加益無數衆生斯經典者所益無量阿難白佛唯諾當受如聖尊教宣如佛說佛言善哉善哉賢者阿難若受此經奉持諷誦爲諸衆生施作佛事佛說如是賢者舍利弗賢者阿難文殊師利諸天世人阿須倫鬼神龍聞佛所說莫不歡喜作禮而退

佛說無所希望經

養

逮

音待及也

作逮非也

誼

音義壘

壘

力委

開

士

善別

宴

坐

於上

見

反也

靡

苗

彼

反也

聲

欬

上苦

頂

反

瑕

音霞

憤

亂

上俱

安

反也

疥

於離

夙

音宿

念

頌

下領

傾

奧

烏告

深

也

反

疇

匹

迈

上直

流

反等

也

正

字

上

正

下

非

作

儔

雖

也

迹

同

跡

粗

才古

反

滯

直

留

也

止

灸

音燒

一隻

擾

攘

上

而

而

小

反

享

虛

兩

反

當

天

祚

福

下

昨

素

反

錯

讓

上

倉

而

兩

反

徑

經

字

歆

反

天

祚

福

下

昨

素

反

錯

基

下

居

之

感

反

徑

去

聲

急

慢

待

衆

祐

結

下

經

音

或

戶

諸

云

其

去

疾

也

懼

蠲

俱

懸

反

顛

愚

陟

降

反

據

出

下

音

渠

篇

也

荆

棘

上

反

京

下

蠲

俱

懸

反

顛

愚

陟

降

反

據

出

下

音

渠

也

驚

荊

棘

上

反

京

下

蠲

俱

懸

反

顛

愚

陟

降

反

據

出

下

音

渠

寐

上

寤

下

密

二

勞

丘

也

也

也

也

也

也

也

也

也

也

也

也

也

也

下

音

寤

下

密

二

勞

丘

也

也

也

也

也

也

也

也

也

也

也

也

也

也

下

音

寤

下

密

二

勞

丘

也

也

也

也

也

也

也

也

也

也

也

也

也

也

不

可

測

量

謂

無

形

象

也

也

也

也

也

也

也

也

也

也

也

也

也

也

蚤

上

莫

庚

音

反

下

也

也

也

也

也

也

也

也

也

也

也

也

也

也

也

人

尾

也

也

也

也

也

也

也

也

也

也

也

也

也

也

也

也

也

也

也

也

